

CYNGOR CYMUNED CRYMYCH - CRYMYCH COMMUNITY COUNCIL

Clerc/Clerk: Bethan Williams, 9 Berllan Aur, Boncath, SA37 0AB
cyngorcymunedcrymych@gmail.com / 01239 920180

Cofnodion Cyfarfod 12/05/2022

Pwynt Agenda	Prif drafodaeth	Penderfyniadau / Pwyntiau Gweithredu
1. Croeso ac Ymddiheuriadau	Presennol: Arwel Llywellyn, Bill Davies, Cris Tomos (Cadeirydd), Eirlys Twigg, Hywel Lewis, Michael Harries, Robin Davies, Roger Howells, Shon Rees (Cyngorydd Sir), Bethan Williams (Clerc) Ymddiheuriadau: Aled Johnson, Iwan Evans Cydymdeimlwyd ag Aled Johnson a'r teulu yn eu colled.	
2. Cofnodion cyfarfod blaenorol	https://docs.google.com/document/d/1dKxRgo4f3bCE9hRngtQowQsGxp-FmsN4Jdp_oYaJrJ8/edit Cynigiodd Cris eu bod yn gywir, eiliodd Eirlys ac fe'u derbyniwyd fel cofnod cywir	
3. Materion yn codi o'r cofnodion	Cyfraniadau Mae manylion banc CFfl Hermon gyda ni ac angen talu'r cyfraniad. Dydy'r Teenage Cancer Trust ddim wedi cysylltu nol gyda'u manylion banc felly mae angen dilyn lan. Camera Mae'r camera natur wedi ei brynu. Cytunwyd i'w osod ger Glôg os yw Cyngor Cymuned Clydau yn fodlon.	Bethan i ddanfôn manylion banc CFfl Hermon at Cris Bethan i ddilyn lan gyda'r Teenage Cancer Trust

	Dymp Hermon Mae Cris wedi trafod agor y dymp ar ddydd Sadwrn yn lle dydd Sul gyda phennaeth yr adran berthnasol yn cyngor ond mae staff yn cael eu symud rhwng tri safle gwastraff yng ngogledd y sir. Mae'r system bwcio slotiau yn golygu bod angen mwy o staff ar bob safle hefyd. Bydd Shon yn codi hyn hyn eto. Cytunwyd i ddanfôn llythyr at y cyngor yn gofyn iddynt dreialu agor y dymp ar ddydd Sadwrn am gyfnod; a stopio'r system slotiau fel bod unrhyw un yn cael mynd yno fel maen nhw eisiau.	Bethan i ddrafftio llythyr am y dymp.
4. Cyllid	Roedd £20,341.91 yn y banc ddiwedd mis Ebrill, ond mae rhai taliadau i fynd mas.	
5. Cynllunio	Sub-division of Danderi to linked holiday unit (retrospect) Mae pedair blynedd ers iddo gael ei godi ac mae'n annhebygol o gael ei dynnu lawr. Cynigiodd Bill nad oedd y cyngor yn gwneud sylw ar y cais, eiliodd Roger a chytunwyd i hynny. Nodwyd nad oedd y dogfennau ar gael yn Gymraeg, dim ond yn Saesneg a bod angen codi hynny gyda'r adran cynllunio.	
6. Parc Chwarae Hermon	• Mae'r cyngor wedi bod mas i wneud arolwg blynyddol ac wedi awgrymu rhai pethau sydd angen eu gwella, bod rhwd ar gadwyni rhai o'r siglenni a bod y teils rwber yn codi. • Nodwyd bod cadwyni'r siglenni yn eitha newydd a bod gwaith i wella'r parc wedi digwydd llynedd. • Mae bwriad cael grŵp newydd at ei gilydd i fod yng ngofal y parc yn Hermon.	

	• Roedd cais Tegryn i wella'r parc yno yn llwyddiannus felly awgrymwyd bod gofyn am eu cyngor nhw am wneud ceisiadau. • Mae meysydd chwarae yn Maes Meigan a Maes y Frenni hefyd. • Mae gôl wedi ei rhoi ym Maes Meigan ond bydd Shon yn edrych i weld a oes modd gwella'r ddau barc. • Mae angen trwsio'r fainc ym Maes Meigan o hyd, mae angen gofyn i'r Menshed flaenoriaethu'r fainc yna.	
7. Cinio Blynyddol	Roedd rhaid ailystyried y dyddiadau a benderfynwyd yn y cyfarfod diwethaf. Cytunwyd ar y 10fed o Fehefin neu'r 24ain o Fehefin yn Llwyngwair Manor.	Bethan i gysylltu gyda Llwyngwair Manor i drefnu.
8. Dyddiad a Lleoliad y cyfarfod nesaf	Gan bod gŵyl banc ar nos lau gyntaf mis Mehefin bydd y cyfarfod nesaf am 7.30 nos lau 07/06/2022. Byddwn ni'n cwrdd yn Llyfrgell Crymych eto.	
9. UFA	Swyddog Datblygu • Byddai etholiad wedi costio £7,500 i'r cyngor cymuned felly awgrymwyd bod defnyddio tua £6,000 o'r arian i gyflogi swyddog datblygu rhan amser am flwyddyn. • Byddai'r swyddog yn datblygu prosiectau ar draws y ward; trwy ffeindio grantiau neu gyllid a chynghori ar brosiectau. • Mae arian cyhoeddus yn tueddu i fynd i ardaloedd mwy poblog felly os ydy cymunedau gwledig eisiau gwneud rhywbeth mae'n rhaid i ni fynd ati i ffeindio'r arian. Byddai rhwyun cyflogedig yn	

	gallu gwneud hynny. • Cytunwyd i'r syniad mewn egwyddor, a bod Cris yn paratoi cynnig i'w drafod yn y cyfarfod nesaf. Gŵyl Fei Na Mai Fe wnaeth Cris a Bil ddatgan ddiddordeb • Llongyfarchwyd y trefnwyr a phawb fuodd yn helpu am drefnu digwyddiad cymunedol llwyddiannus - mae sawl un wedi holi am ŵyl y flwyddyn nesaf yn barod. • Y gobaith yw cynnal yr ŵyl eto ar y 6ed o Fai flwyddyn nesaf. Rhandiroedd Hermon • Mae rhent ar gyfer y rhandiroedd am eleni wedi ei gasglu. • Mae'r bobl oedd â phlot llynedd yn cael gwrthodiad cyntaf ac mae rhestr aros. Mae angen edrych eto ar y telerau defnydd er mwyn sicrhau bod pawb yn defnyddio'r plotiau yn unol â'r telerau ac yn gwneud y defnydd gorau ohonyn nhw. • Mae sawl un wedi dweud bod y rhent yn isel iawn. Cytunwyd i godi'r rhent i £12 y flwyddyn o ddechrau'r flwyddyn nesaf. Sbwriel Mae rhywun wedi cysylltu i ddweud nad yw sbwriel wedi ei gasglu sawl gwaith, bod y cyngor wedi cael gwybod ac wedi addo na fyddai'n digwydd eto ond mae'n parhau i ddigwydd. Cytunodd Shon i edrych i'r mater.	Cris i baratoi cynnig ar gyfer swyddog datblygu Roger i edrych ar delerau defnydd y rhandiroedd. Bethan i ddanfon y wybdoaeth ymlaen at Shon
--	--	---

